



COMUNU DE QUARTU S. ALENÌ

Progetu finantziau cun su dinai de sa Regione Autònoma de Sardigna cunformas a sa L. 482/99 e a sa L.R. 22/2018.

S'ACADÈMIA ITALIANA DE SA COGHINA A SA DOM'E FARRA UFITZIALIZAT SA RETZETA DE 'SA KORDULA CUN PISURCI'

S'Acadèmia Italiana de sa Coghina, Istituzione culturale de sa Repùblica Italiana tenet, intre is fines istatutàrias suas, sa chirca e su depòsitu de retzetas traditzionales, a amparu e valorizatzione de sa coghina italiana, a traessu de s'istùdiu e sa chirca istòrica.

In s'àmbitu de sa faina sua su 17 santandria a Quartu cheret formalizare ufizialmente sa retzeta originale, in s'àmbitu de un'eventu pùblicu.

Fundada in su 1953, a Milanu, de Orio Vergani, cun unu grupu de esponentes cualificados de sa cultura, de s'indùstria e de su giornalismo, s'Acadèmia Italiana de sa Coghina, de su 2003 Istituzione Culturale de sa Repùblica Italiana, s'Acadèmia Italiana de sa Coghina òperat pro chi siant promòvidas iniciativas idòneas a difùndere unu mègius connoschimentu de is balores traditzionales de sa coghina italiana, chi costituint sa base pro ogni innovatzione cuncreta. In su 2003, su Ministeru pro is Fainas e is Benes culturales at reconnotu is mèritos culturales, in manera ampra documentados, de s'Acadèmia, cunferendidda su tìtulu de "Istituzione culturale", ponendidda, tando, intre is realidades culturales italianas prus mannas e importantes, portadoras de esperièntzia e de sabiduria in medas campos de sa cultura.

Sa Delegatzione de Casteddu de s'Acadèmia Italiana de sa Coghina cheret formulare sa retzeta de s'antigu màndigu denominadu “Kòrdula cun pisurci” ca, in tale forma, siat tutelada e tramandada in su benidore. Su cuntzetu de autenticità aplicadu a sa chirca de is traditziones populares si presentat cumplessu e, in calicuna medida, ambìguu; duncas su comitadu incarrigadu de formulare sa retzeta traditzionale s'est impreadu pro chircare, siat in literadura chi subra de su campu, is fontes de cales ricavare, esaminende sa ricorrenza de ingredientes e de protzedimentos in is testimonias regortas, sa chi si retenet sa prus cunforme a is impreos tramandados in su tempus.

In su dare atu chi de custa preparatzione traditzionale esistent variantes e cambiamentos, puru ligadas a sa traditzione, sa Delegatzione de Casteddu at retentu de pòdere individuare comente si siat, subra de sa base de su mètodu subra espostu, una retzeta chi definit de riferimentu. A custa fine, comente a previstu de s'istatutu pròpiu, cheret depositare cun atu notarile s'èsitu de sa chirca pròpia in occasione de una manifestatzione, durante sa cale at a bènnere esposta sa retzeta, sa preparatzione e is orìgines suas. At a bènnere in prus oferta a su pùblicu, a tìtulu de su totu de badas, una degustazione de su màndigu.

S'eventu s'at a tènnere in sa Sala Cunferèntzias de sa Dom'e Farra, giòvias 17 santandria a is oras 19.00, cun su patrotzìniu de su Comunu de Quartu Sant'Aleni. In s'occasione at a bènnere cunferidu su prèmiu "Dino Villani", assignadu dae su Cussìgiu Natzionale de Presidèntzia de s'Acadèmia, a sa Cooperativa "27 Freàrgiu" de Serramanna pro sa produtzione de unu satitzu de cabra originale.